



嶧桐詩集卷之十

浦江虞邦瓊首林定

貴池劉城伯宗著

五言長律

吳少友

光錫

爲刻私印酬以二十二句

我與滔滔者俱非識字人偏旁常借讀險僻遂徒瞋喜得
君兄弟能稱周漢秦鳥龍分所以蝌蚪邈其真意古鴻濛
近精通點畫塵踟躕于奏刃盤礴爲操鉞黜渺經營趣飛
翻位置神當其之凹凸未有不輪困造妙工驚譜搜玄鬼
放燐瑰奇豈小道龐噩見先民祝子能無倦縣知境日新

嶧桐詩集

卷之十

遙哭萬郎中

燦



一隼乘高日諸公用射初朝躋多命芾行亟眇同車馮社
機方迅揚庭氣未殊電雷沴氣挾萑茨佞人鋤已苦弘恭
擅誰堪王聖胥老拳羣小飽大杖至尊居性命宜強死妻
孥怨諫書浮雲蔽日慘騎尾上天虛戰血玄偏有張弧劓
不如擊奸心自壯謀已術非疏草莽悲謹後班行怖懾餘
賜緋衣紫者爾竟欲何歟

送鄭際盛

三諫

北上

經術文章事康成舊有名帳中傳秘笈象外領玄聲欸唾
圖書出周旋岳瀆盈幾年藏大澤今日榜都城筆墨靈方



見交游氣始平夫誰無遇合爾乃見精誠不是良丁詭徒
然國士榮

張彥先一儒至自采石同遊齊山

張子東南美風流博物兼三年前把臂十日裏掀髯別久
郵難語思多夢莫占濤聲舟忽遠霜色僕皆黠拳石齊山
有然犀牛渚潛登臨吾未倦悲喜爾能恬豪飲知誰似孤
吟任俗嫌宗之偕李白乘月夜厭厭

答贈劉客生湘客用佳字

逢君何所似朗月人人懷握手寒溫罷掀髯身命偕恢奇
聊任俠談笑豈優俳得句兼葭露揮毫折股釵所思聞要
嶧柯詩集 卷之一 二
道不廢狎名娃挾筴纓兼餌長嘆風且霾無憂天豈問有
照醉難埋空闊長安路殷勤秋浦涯猶將復相士那得盡
言佳在昔多吟咏劉生爾我皆

贈謝孺玉璠魯玉璠用灰字

客自瀟湘出遊從燕薊來根枝連棗萼名字重瓊瑰妙句
澄江合幽思春草迴烏衣尋舊跡白紵擬新裁密識原同
阮清言復勝裴論交因問道求友敢矜才氣隱芙蓉匣心
傾琥珀盃風期一諾在襟度眾人該所以應劉輩教令儀
虞陪兔園辭固好淝水事相催祝爾難兄弟匡時志莫灰

漫園懷米友石太僕

勺園數笏在太僕百年憑地以水爲國人呼石作朋堅貞
存內美浩蕩見修能妙理青蓮悟綺情紅樹徵蒼茫成出
沒筆墨與因仍真自南宮系聊同大令稱圖書有所付爪
髮此中勝冠蓋至今盛風流竟未曾我來欽止肅首夏起
層冰

贈徐黃門蓼莪

諫院名流在邗溝賢者多談兵雖鍛羽執禮正鳴珂張膽
酬君聖掀髯折俗訛擊奸稂莠拔愛士萑蘭和諷直誰爲
與良朋古有歌江南北安倚從此挽頽波

山堂夜雨共用傳字得十韻

暉桐詩集

卷之十

三

此集不徒然寒生屋角泉連朝山色異一座客星懸陰滿
松筠沒杯行意氣傳隔簾飛瀑靜對燭古歡延酒戶推公
等書淫笑我偏觥籌亂積溜雲笈佐疏筵僧樸容諧謔時
艱動怨悵何人倚長劍今夕思香荃正欲高吟共彌明向
壁眠

過姚北若

澗

鴛湖本北海文士忽瞿曇書以廣爲業居將詔作庵避人
當小隱把卷得長酣佳句癖成性名山志盡探占經魯壁
古養氣谷神甘舊夢通梁月新懷破定龕嗟余有底事共
看羽陵函

記答次尾語

我有亾韓恨寧甘□與□委身須擇主大度待興王結客
先傾產嚴兵豈打糧停車屠販輩連若楚吳鄉小敵原宜
怯虛聲未易張穰苴致處女宋義黜貪狼莫倚孤忠壯當
知多筭強居巢誤認羽黃石曲成良此舉天應祐要之人
用臧園陵俟洒埽父老勿戕傷事異搏沙戲功成胙土長
聖公與李軼吾不共壇場

寄答陳伯璣二十韻

陳子伯璣宣州坐雨接余近作蘆中諸詩觸事生
情成十韻來賤交誼詩思並自遙深清峻余用韻

嵒柳詩集

卷之十

四

申懷遂倍其數身所茹苦不能中咽不吐也亦見
余顛倒於陳至矣

感事兼憐友澄懷發妙吟正當風雨晦念我罽羅深幾載
山居慣非時縣帖尋微躬如病葉新政欲焚琴勢劇石壕
吏殃延楚國林輿臺軀照練縫掖肘控襟有物憑城社無
炊孰釜驚輟經趣簿錄典篋去幃衾歲儉羣辭劬官尊敢
獻箴大呵孱士受小愬隸人禁學道身難庇貪生患自侵
低顏耐白眼結客誤黃金世路崇張耳吾徒失季心先生
海已蹈翁伯族曾沈名到徵輸賤交看緩急臨分憂煩夙
好閔俗動清音指諭誠溫厚胸春故鬱森希聲疑在昔古

調見從今神樂和平聽師興鄙薄欽何論執高誼詩格亦
儲岑

卽事寄伯璣三十韻

伯璣書來云洪都被後兵過于湖諸所掠物遂有
士業撰著藁本對之惘然先是吾池卒返亦爾曩
曩余見有評點左氏印記爲徐良憲字成叔當是
巨源族屬其字畫姿狀亦原本茂先輩者因念去
春奴竊藏書余方忿甚詎知陳子石莊亦復散佚
不必遠歎廬山之李近徵義烏之胡矣感慨率成
以語伯璣兼寄士業努力撰述正不懈吾曹妮古

暉桐詩集

卷之十

五

意也

聞道晉州守玄文已播遷醉翁塗改記溫國謹嚴編屬草
原將定藏山俟久傳抽思曾丙夜秘事或辛編檣机應成
史蟲魚未廢箋崎嶇心口際慘澹茗香邊此物神爲護宜
看鐵共堅云何藜閣藁遂泛藻湖船戰馬芻書帶兵人刈
研田紛紜迎劍戟倉卒散雲烟委宛笳鳴入藜丘車載還
豈惟三篋失定致百城捐池卒初回棹軍裝亦滿闐零殘
曾寓覽印記尙堪憐左氏鑽研細徐家名字全是爲我友
族妙作素臣詮墨汁猶新濕江流已亂沿玉臺今放佚徐指
義府必危顛指東壁晶星閭南昌大姓邇旁行得氣日載

籍就燔年余亦稱耽志陳生許次肩典衣蒐欲遍蒙被箸
非竣昨歲銀杯化連朝金市縣簡尋壁不返歎惋夢徒牽
自古多如此於吾誠偶然秦灰曾幾劫汲冢固先穿鼂志
徒存畧唐瓢但信緣早知幻泡理益覺諷吟賢弄翰聊怡
悅親書省過愆寄言幾部客牢把筆如椽

柯醫士年五十索贈爲賦十二韻

君今稱艾者聞昔是孤兒冰雪名家有芸編手澤貽風搏
虛壯志壺隱度明時俗薄儒難用才兼國可醫仁心蘄濟
物妙智欲過師掩耳喧囂族虛懷澹蕩詩天全由守樸真
葆得年耆命旣惟人造非緣此日知樂山長歲月學易寡
嶧桐詩集 卷之十 六

瑕疵臃腫誠樗質穠華豈杏枝自他俱可壽理數本無私
白首相莊侶從今祝介眉

答贈王元倬次韻

酬唱來春峽烏衣舊巷人廉羞稱槁蚓孝不待冰鱗廬側
莪方廢山幽桂尙辛傲餘南翥性愁憶北征身上計辭偕
吏歸耕祗事親長安書已斷句曲諾爲真積墨莊何富多
鮭韭豈貧門無慚澗壑堦下蔚嶙峋丹管披荒籍麻衣服
古巾澄情尋水檻決背倚霜筠哭過懷沙誼狂求佩印秦
年華殊未艾曆數遂先屯象邑雕文遍旗亭曲奏陳交游
希更密將卒飲其醇共宥魯連隱難呼儒仲臣 佳麗

歌陵廟草萊新補譜重箋鄭傳經妙說申王精六噫存永
日一雁叫孤辰憐我通詩卷憑誰得酒緡月明顏色好識
路夢中頻

七言長律

與孫大宣鼎廷評

舊從藝苑識興公冠蓋相遭鳳闕中棘寺清時談老易金
臺高處策兵戎思深不問悲歌俗誼重猶存緩急風豈少
投入將滅刺曾無射口大黃弓躊躇攜手傷行路仰指浮
雲蔽太空

訪朱雲子山居

櫻相詩集

卷之十

七

一徑桑麻逐水灣蓬蒿交座未須刪有人笑歎因觀史無
日眠殮不共山玉貌仲連持大義花溪杜甫詠時艱高名
豈屑燕臺市亮節知當漢檻攀古調儼成多白紵閒情泥
處是烟鬟耽玄偏入蓮邦社絕俗全驅蝸角蠻此地聲華
迷去住賴君閒靜帶癡頑我聞擇對新相敬莫作噫歌便
出關時雲子續
嬰故云

送少司馬馮公鄴仙

鍾山雨過曉雲開似爲元臣應詔催天下用兵多歲月明

王側席感風雷家承當世廷爭慣公舊直省人是長源哉

亂該事劇官惟司馬重才兼命自后龍來以南大舞千化

遠戎宜詰銷甲情殷運欲回樞密到今真拜富中書從此
定尊裴功成耕牧嬉游日封禪云亭劍履陪

送別廣文沈玄贊先生

沈廣文蕪湖人諱池司訓以遷令行時在左兵

爲吾

後解嚴

鳩茲遠不在天上何事傾觴惜袂分祇爲道尊同胡瑗非
因句好似休文七年雪立春風暖一日帆開秋水紋蘆荻
初經兵後長檣篙新自港邊聞爾時南浦難成別況我清
溪誼獨殷相送都因至岸返諸生從此歎離羣

乙酉首夏至南都以近事寄示子鑾

格天傑閣入青冥司馬門深虎豹局能使長秋埋故劍更

暉桐詩集

卷之十

八

教貫索隱前星宮槐句好猶尸市仙李名高竟雉經恭顯
兒孫皆熾盛顧廚賓客總凋零秘辛日日吳媵奏令甲人
人崔烈馨麩部尙書依黼坐羊頭都尉擁雲輶膠傳卹愼
喧昂貴文到新羅槩勒停我已過河羣口笑此寧重事客
談聽逗遛不見難當左機穿將傾眼裏丁成敗只今鑄就
錯是非俟後史稱程宛平盡瘁邗溝上徒恃 高皇有赫
靈

六言律

和東阿舊縣題壁詩

作者何人意滿讀之令我情酣婆娑未能旬十踏步寧止

歎三小語低窺月白高歌上有天藍試觀如泣如愬不必以雅以南

荒烟野色殊亂水火廷爭正酣開網祝辭面一上書太息

過三爲周柱史守黑楚大夫人姓藍投虎讒原畀北鳴鶻

象已生南

藍尹壘楚大夫藍姓之始

聖主年年減膳豪家日日沈酣枯桑鼠穴吹萬繞樹禽鳴
匣三曉起搔頭歎白午餘因噎思藍敢稱伐北分北不用

周南召南

藍能治噎

楓宸何以衣布臥側難容睡酣口口兵恆滿萬華封祝但
多三撫塵不能當飯業紺空爭植藍欲問廉頗用趙須遲

暉桐詩集

卷之十

九

馬援征南

染絲者爲業紺

口去驕因病飽兵橫苦爲樂酣連阡非不騰萬失伍何止
待三當賊人爭具糗思家婦只盈藍請看冀馬空北猶勝

吳牛喘南

秦人莫不蠶食楚子猶然虎酣嬖倖豈由二五紛爭定始
羣三張蒼苟免身白盧杞無勞面藍等是朝生暮死姑令

春北秋南

未必無須謹密兼之大肚婪酣四民古已增六二府今當
配三縷斬縷齊拖紫染青染綠皆藍腸中別有輪轉局外

空思指南

太平有象非遠如泥吾當醉酣風雅頌詩部四蜀洛朔黨
分三鹽山色亦能赤玉海種因自藍誰令走胡走越生憎
轅北轅南

旅店言愁相向當壚黯淡難酣才空鄴下步七吏送咸陽

錢三兩壓孤城陣黑風飄大樹隨藍卜居從此心戰莫辨

西北東南三昧經云譬如隨藍風一起
時諸樹名大樹而不能自制

奉錢奉粟傷飽鬪蟻鬪蝸戰酣楊子愛毛拔一儒家圖極

含三酒須大白淨白食必甘藍采藍塞上惟談冀朔坐中

亦有江南藍種凡四五
甘者可食

休諷驕奢欲減相逢任達須酣知非君子半百勸善尸蟲

嶧桐詩集

卷之一

十

各三郊色紛紅駭綠山容點翠拖藍漢家袒左袒右阮氏

居北居南

黃梁可夢可醒魯酒自飲自酣餽客烹魚去乙游人與馬

成三去冬天已殺菽入夏人先刈藍不走長安直北徒知

王氣鍾南月令以仲夏
禁人刈藍

肉或黃羊未喫鯖如龍鮓方酣應璩詩稱百一闕駟州志

十三日月運行道赤陰陽易病需藍人情不可名狀我輩

還須道南病有名陰陽易
者藍主治之

與人玄酒難醉飲我醅醪定酣古聖常明目四良醫先折

肱三口沙有氣吹白好色何方是藍蟹浦魚梁左右美如

賓主東南

如我徒爲落落逢人盡已酣酣否來仕宦陽九晉接中涓
晝三淫風虹常貫赤應聲蟲實驚藍狄公局促殊甚遂是
北斗以南應聲蟲聞人讀藍而止

壽張恐喜可聽淡泊何人興酣路未九州到八山如萬歲

呼三阮家校尉能白孔氏門人謝藍聞道東征怨朔望將

北斗拖南

永樂北伐時南望北斗

吾爲貧賤心餒公尙逍遙氣酣售世術非九九閉門徑且

三三王孫草長鋪綠野老枝輕翦藍同視劉生安在自矜

周北張南

嶧桐詩集

卷之十

十一

陸茶有椀稱鬪堯酒何尊得酣愚慮或當千一稗官常取

什三閭閻有跽徒白陳留無田種藍朔氣偏衝車朔南風

空老孤南

銘草名唐詩閭閻徒白銘言閭閻民窮惟白草而已

客子且歌且舞主人半醒半酣單鴻陣自飛一狡兔營常

窟三筆畏雌黃雄白藥分石澱吳藍勇敢原因氣朔溫和

須是風南

忘憂不能祛憤極樂惟爭宴酣開口閩人呼六撫心豫子

躍三墨妙疾書練白素絲附近朱藍聰明畫左畫右險阻

戒北戒南

彭澤小官足醉中山大飲方酣還兵尙得半十勝畧誰授

全三漢家御史簡白古有神農品藍拱極猶然向北來口

不止西南

木草經
藍上品

窗前挂易粗了枕上攤書甚酣十數天參地兩二終與一
爲三燕丹誓令烏白爾雅葳同馬藍但看文移斗北休誇
字值雙南

漁父忘筌獨寢我曹破夢猶酣亦知大明乘六猶願小雅

肆三生客須憐面黑諸生誰助供藍鴻飛暫爾賓北鷓喚

從前志南

後漢楊震植藍供
母諸生有助種者

浮沈俛仰如淡頓剉淋漓是酣蘭子空中劒五王郎夢裏

刀三仕榮皆在紆紫學就原期出藍口馬北風久矣愁人

嶧桐詩集

卷之十

三

惟有江南

面壁不禁墨飽惟鄰風日清酣既知二五成十何用掛一

象三臨川池水變黑洛陽寺記伽藍老生壯志何若掃盡

王庭幕南

恥過屠門大嚼歡來蕉葉能酣千人不如誇一二仲將開

徑三果腹常推置赤黛眉何用描藍秘書行處自有吾愛

虞家世南

蔬畦未足饗餐沆漉何嘗痛酣國士漢庭寡二刑人關約

惟三山禽燦爛杼綬水蛭尋常化藍偶拾毛詩斷簡王風

自北而南

耘者爲水蛭所齧
以藍溥之而愈

儒門淡薄甚戀收拾菜根可耐萬舞日看侷六百錢月息
收三徒行未敢衣白好睡那從服藍誰尙頭風不愈須尋
虎掌藍治多睡者虎掌
天南星皆藥名

擔囊負日交瘁草木薰風自酣行坐朝朝暮暮往來四四

三三黃衣裏或施綠紅線絲原染藍目眩非因戰北心驚

急欲翔南白樂天紅線毯篇紅綿毯老絲練線紅
藍染染紅線紅于藍織作披香殿上毯

欲言不言語澀可已不已神酣待詔曾由格五逢君謂足

登三孫引矯情衣布趙岐攄懷賦藍人望燕山轍北我同

汀水流南

白洋昨歲義
師營所

嶧桐詩集

卷之一

十三

寒河水痕欲白峭壁苔紋尙青宿鷺衝烟將沒歸牛度隴
如停斷蝕平陵曲怨高低蒿里露零然萁擊缶感歎藉草

擁絮茗汀

五言絕

明妃怨

未識口沙色輕辭漢殿春和親高帝始不遣戚夫人

班婕妤

長信秋風早春華容易過誰聞赤鳳曲高唱入雲和

出塞

昨夜寶刀鳴今朝出塞行名王我自得校尉莫相驚

漫野但黃羊闕氏幕何處上將自前行一軍此路去
共賞漢宮詞登雲烟綠苔果然百里內不長一人來
月色如君恩只照昭陽殿女我不身輕莫使將人怨
魏宮詞鳳然並遊羣眼來新國共懸烟燭亭雲
銅臺高冥冥漳水去湯湯相值不相問誰言共一鄉

長卿

長卿千載才四壁足人哀臨卽能薦士狗監亦堪媒
看騎馬

疲邑原無駿何來此肉騷皆言自楚產錦障入江東
鳴騶多款段老病具威儀傷女玉花貌高馱帳下兒
嶺荆詩集 卷之十 十四
秋盡平沙遠鳴鞭試馬肥小橋長飲水不自戰場歸
平明常佩箭騎馬酒家胡倦戲聊彎弩馳禽付阿奴
縱博皆恠馬驕嘶向柳堤醉來無一事解控拂霜蹄
汗血比其羣口口久絕親何如凡馬好豎鬣出風塵

懷麻孟璿沈治先

江南佳麗滿有爾玉爲人落月深相照離思又及春
何限風流意翩然並逸羣別來游處共總臥敬亭雲

遊九華早發

共說懷禽向餐雲臥綠苔果然百里內不見一人來

三歸臺

九合功堪許三歸蹟自畱到今口患劇微管使人愁
黃石蹟

前有滄海士後逢圯上翁千斤椎不惡隻履意無窮

董子下帷處

有策昔已遇無園今可窺讀盡春秋學孫弘總不宜

過易水

燕秦事渺茫流水閱興亡過客衝風立歌聲在夕陽

嘉禾早發

犬吠平林遠風輕岸草柔蚌殘星欲盡孤舫客如浮

看孫武公畫

天外雙峯起憐君怒筆題平川如掌處半畝我扶犁

長風沙

李白裁詩處劉生覓句時平沙悲冥色零亂見旌旗

題昭君圖

漢代天山遠愁心馬上彈如今不必怨帝里即呼韓

重九前一日柯君送白菊一本是昨歲曾貽余者

煩君再送菊秋色入簾深相對不相媿白衣猶至今

明日名堪愛今年花見遲素姿欣入座照我髻邊絲

花與寒俱至秋將色寫真此朋殊耐久莫問武陵津

深山藏國色客舍見微香涕淚高皇語西風戰一場

高皇

嶧桐詩集

卷之一

十五

菊花詩曰百花發時我不發我若發時都
嚇殺要與西風戰一場渾身被上黃金甲

九日雨

不作中秋句寧傾九日卮只今愁更劇風雨到東籬
兩度重陽雨三秋半百身攜家成粟里問姓是遺民
令節荒邨裏高懷破研旁饑寒見五柳風雨送重陽
髮與花俱白顏從酒借紅千方思屐躡一雨恨途窮

偶題

茹芝踪蹟在采藥姓名微城郭雖無改令威何用歸

絕句

玉樹歌纔歇蘭亭袂不豪無情揚子水負義伍胥濤

嶧桐詩集

卷之十

六

題山賓畫扇

秋色在何許霜葉姿堪悅我欲過橋看丘亭人跡絕
春山真淡冶況有枝頭色盡室住此中閉門亦自得

僧送新茶

破睡正無計開緘得首庸自云春雨久恐遜密雲龍

溪柳

絮自隨春盡條當入夏濃他時塞北望此日漢南逢

折枝榴花

石家阿措到誰不妬紅裙閒步離妝閣封姨未遣聞

融上人至自天堂庵

霑雲來樹杪不借下山輕
葢裏伊蒲剩分來餉野生
懷祖公

爾攜羅浮梅往看醫閭瀑
閱盡黍離秋穹廬亦可宿
陶潛咏荆軻事乘存其願
半偈何崢嶸殊非惠休怨
莫覽古長城莫訪華表柱
令威何用歸口馬枕上度
迦文王者子開士尙書兒
情空恩不斷永劫問南枝

別九華十餘年矣客有往
者感焉用漳浦公辭九華
韻

不踏芙蓉峯如坐陶人甌
登高失采擷徒受幻師眩
我欲往從之相去踰一舍
憑高曾決皆低昂與上下

嶧桐詩集

卷之十

七

雲海日洪流危峯露章甫
我曾白日看狂擊漁陽鼓
出雲要與迎奔壑誰爲殿
曾聞義師屯淚滿迦文面

春日憶齊山用漳浦公辭齊山韻

山亦載榮名微軀豈爲寶
秀骨挾靈心閱世殆已老
南巖固磊砢北壑尤奇變
至今春游人得山只半面
樊川泥齊山青蓮湛秋浦
山亦有湖光澄波浸疏樹
五載失摩娑翠微無覓處
隱几意行時龍門上砥柱

題山賓畫扇

鐘聲何處峯獨往迷行蹟
欲憩長松陰徇羊日未夕
蒼海莫由臨碣石無從問
寸幅有高深清音時欲奮

題種菜圖寄鄭大中丞

二陽

補天蒼昊兩辨土綠成陰知是明農事初非運甓心

夢中作

新詩夢中作舊恨酒邊深莫以今人耳來聽古曲音

七言絕

冬夜

栗冽寒風入夜高時聞擊柝響清寥挑燈偶讀袁安傳自顧猶多一布袍

題畫

如此山川別有天蒼茫去路卻疑還乘帆策馬緣何事閒

嶧桐詩集

卷之十

六

殺高林草閣前

湖心寺汎月

暝烟欲布似還收積氣空山遠樹稠指與輕橈從此去去逢夾岸更堪留

澄湖平闊有光浮恂怳風前氣作樓此夜渾疑天際遠不知止繞寺三周

羣動全歸天水幽微茫無復半聲秋同舟相視言佳甚明月應知第一流

題梧溪藏玉卷

厲竟楊先生立身浙之青田人城童子時師也其

尊人墓在浯溪自述形勝之美貽諸好事者

聞說浯溪佳氣浮一坏巒壑帶松楸小人學射源何處欲
挂吳鉤風雨愁

學畫

未必前身是畫師只今生性獨能癡自知丘壑宜相置慘
淡何須著筆遲

降盡生平付遠烟墨痕淡處有誰憐閒觀相士皆多肉曹
霸於今不直錢

天啟宮詞

閭闔新廻暈月風龍旂斧鉞下高空依稀偶語聽難了南

嶧桐詩集

卷之一

一九

海子裏老王公

蓮漏投籤已幾回金鋪屈戌鎖難開火城忽簇仙韶動奉

聖夫人休沐來

經筵故事不容差一例先生賜喫茶早與扣頭宣謝去排
當大內好喧嘩

先皇憑几有諸人怏怏俱非少主臣一自厥公驂法駕聖

躬安逸樂周親

樂撤更深御寢安喧爭驚起玉闌干聖恩問取人情願判
許和鳴結采鸞

漢帝椒風絕等儕六官粉黛枉金釵高家小姐娥眉好那

用凌波窄錦鞵

旌旗鉦鼓徹雲霄講武彤庭蒐與苗堪笑諸臣勞諫草豹
房戎服自先朝

上谷雲中有奏題似云烽火接城西聖人正案龜茲舞未
可張皇說鼓鼙

聖人自是人倫至規矩方員百世師小閣運斤多秘製唐
虞何用命工垂

水殿蒲觴太液游柘袍親自轉船頭不因蔡女舟能蕩誰
見黃龍負艣浮

玉管瑤笙別殿喧朝看金屋暮長門漢皇不好相如賦莫

嶧桐詩集

卷之十

十

把黃金買淚痕

青鳥時稱玉母宣黃河如瀉水衡錢老蟾駕月天宮裏福
澤人間誰許先

玉面眞欺桃李紅年年春到怨東風自從玉聖承恩寵對
食相憐滿漢宮

封章連日奏重瞳鑄德銜恩祀尙公早見文書房捧進溫
綸已票速批紅

部題閣票舊章同墨勅何妨自聖衷昨日言官解經好舜
湯執用總皆中

梅朗三趙雪度沈崑銅見過座寺寓

秋色偏從何處來
白衣有客正登臺
素養傳盡悲歌事
共指浮雲幾片開

風塵游處早相同
知有新詩曲部中
我作雙鬟歌妙句
自憐有賦亦摩空

送別黃生

文玉

歸天都

爾樹從余游以父在廬江遣奴訊賊警因欲歸余送之時

金正希侍御亦里居休寧也

扶風經術近誰多
能使康成負笈過
古調祇今原自致
贈卿亢歎意如何

晝閉城門夜點兵
石壕吏事見今生
脫身爾去歸鄉里
短後吾從卒踐更

嶧桐詩集

卷之一

三

漢家翁叔舊知名
借箸嘗爭城下盟
爾見有人秋浦上
垂綸何處得長纒

爲問天都事若何
舊時丹竈在烟蘿
扶筇高處叩須友
待我他年釋荷戈

喜黃生復留

生所遣人還知家
人無恙故復留也

赤腳蘆中跋浪回
一天愁思兩邊開
似聞賊戒公無渡
減得江頭野老哀

隔江有處訪庭闈
書到爲人願不違
且作伏虔聽崔烈
莫將遠志換當歸

登陣我未廢談經
玉貌先生臥草亭
聞說新安府帖下
肥

男送出更無丁

虎丘逢栖筠上人戲贈

好事相傳有老旻
河干對笑握交親
龐眉深目鳩頭杖
十入尊中似一人

王公儼以天女散花圖扇索題

何處香風送落英
綠雲紅藥兩輕盈
知他桃葉桃根是
願我維摩已瘦生

寄題冒辟疆樸巢

浣花杜老覓栽楹
野興溪陰或兩宜
奇木終童應早對
如今先誦樸巢詩

暉桐詩集

卷之十

三

謝雍戶曹遺蜀箋

彩色綾紋薛氏開
蜀中才子寫詩來
他年覓得芙蓉粉
尙欲相期九萬枚

示休寧方生

生名舟字仙侶皆余
爲更擇者詩以視之

元禮龍門謾謾風
林宗墊角意冲融
論交如但從皮相
越水燕轅那得同

朔讓橫流炎火微
布颿破浪未言歸
同心擊楫人方遠
送客依依看落暉

酒品九絕戲詰王元美詩用韻

內酒余入京始飲
然不過索嘗市肆
未如元美四

沾燕賜及諸大璫所釀也

美祿何曾拜御筵亦無軍法政觴前酒家縱比黃封好未
敢長安市上眠

薏苡酒亦自京師飲之然在市肆其與內酒濫觴
極矣薊州周氏三屯營帥師未之間也

薏苡車裝汁滿壺糟牀名美味如無薊州風景殊難問醉
後相逢說桂珠

山東藩司出秋露白余前飲張方伯署中未之有
也何暇問德府王親薛生之釀哉

凋傷玉露歎壘空夜坐華筵燭影紅休道玉門仙醞美不
暉桐詩集

卷之一
如杜老憶郛筒

童子時在處州飲酒甚甘不知其為金盤露否憶
而賦之

兒時勝氣亦籠霄猶憶銜杯拜酒槽可是少游監稅日青
田釀取惡溪醪

秦少游謫監青田酒稅以詩再貶先大夫
別駕處州亦視篆此邑又府治內有惡溪
水故及之
霄字出蕭韻

高郵五加皮酒美甚不必以甘責之矣

高郵尙未徹狼烟過此開餅醉欲眠益壽延齡猶後事風
霜遂不畏窮年

淮安苦蒿酒元美以為味近苦而烈余往飲友人

豨首酒亦似近酸而清也世人重甘吾固笑之然使酸與苦豈亦可嘗哉

試評酸苦味如干抱甕長吟總耐寒何日投醪淮水北願

同軍士一分甘

甘出
覃韻

麻姑酒亦非余所嗜然存其名可耳

背癢難搔祇自憐一聞仙酒吃饒涎麻姑久別王家會不使凡夫濫乳泉

池州不以酒名元美謂其色深而味甘且釀土人極貴重之又云余絕不喜飲今觀敝郡不可謂之有酒矣余家所釀頗足自給味亦清且醅邑之西

澤桐詩集

卷之一

十四

曰濬源高田居萬山中泉甘水冽雜石爲麪和味亦佳絕使元美過池州飲諸家十日又余輩觴誅其閒酒豈在靠壁下哉且蘇州之老酒南京之玉蘭潛山之燒酒難言之矣元美詩曰池州酒美直如油重碧濃甘瀉不流蓋故家珍藏臘酒比於琥珀荔枝今實有歷百餘年而以宴客者尋常安得似之

飲來三爵白油油白墮釀成第一流寧與邨農充介壽懶教卿相換貂裘

三白酒甚佳而蕪湖所市水陽酒不足飲然冽而

不甜

顏酖尙不勝蕉葉浮白如吾信可憐瓶似嵩高漿似海蕪
陰賈客上樓眠

謝恩感述

聖世何勞誦伏蒲隨行今始效嵩呼羊裘尙入承明裏王
會先須做畫圖

同諸子夜集楊氏園中

帝里豪華半醉醒楊家別有問奇亭夜深花氣侵簾入兄
弟談芭共儂經

西園愛客不言疲終夜觥籌絕妙辭獨有偏人能卓犖也

暉桐詩集

卷之一

五

教君輩說經奇

白溝河題壁和韻

同時花滿去時霜弔古文逋此戰場投筆未成猶作賦

度羊鳩

高唐州竹枝歌

城外紅招千百過城中白鏹萬千多城中一夜送城外

兒拍手漢兒歌

符追隸攝不曾休賣兒貼婦莫言愁百姓苦來百姓用長
官買命長官收

抵南都寓靈谷寺

北客初回輒問僧解裝談口月如澄松濤最好消孤憤旅
夢時時繞 孝陵

已卯初夏返自都門友人孫克成賦徵車回十章見

訊依韻奉答

君衣短後我輶車同是霜黃露白初宮闕纔瞻聞有譴詞

臣莫上用兵書

楊編修
廷麟也

植州一夜黑烽高上將全軍半死逃傳說漏師人貴幸書

生空淬匣中刀

總督吳阿衡鎮
監鄧希詔也

紅招盡渡白溝河笳吹干雲馬上歌共飲麗譙成秘計漢

家婁敬筭能多

司禮監曹化淳總監高起潛及武林楊相
請慮督臣象昇飲平則門樓怒其獨主戰

暉桐詩集

卷之十

三六

誰來金井鳳池梧每說知臣臣不孤景監薦才真有效天

街騎馬自呵呼

給事中陳
啟新也

車牛本劣路行疲莫便嗔他雨不時多謝平津空閉閣丈

夫豈用埽門知

未便逃名比子真且離京國陌頭塵長安卿相多才亦獨

死區區盧督臣

一時治吏號持平功罪都教入貫城怪得畿南流血遍聚

為獄氣散為兵

不少知交燕市逢看他瘦馬避驕驄含情多有葵心日一

夕飄零盡逐風

長材臥處草宜豐何處人稱當道熊憑子好爲梁甫咏大
黃空挽對秋風

盧死揚遷次第行晉州恩貸獨持平荷衣未裂君應見看
射南山過一生

爲顧與治題滑稽酒隱圖分賦

米元章

秉笏驚呼石丈人袖中有物與爲鄰生平愛說南宮事最
好東牀字去塵

蘇子由

元祐名先黨錮碑如何搖筆欲成辭若非頴上閒居日猶

嶧桐詩集 卷之一

毛

是黃樓作賦詩

九日抵家

破浪長風發槳牙清溪水巷舊漁家日西猶飲登高酒故
是荷裳對菊花

唐宜之右史之襄陽見過劇別

盤殮盡廢罷離觴二十年盟過草堂分袂匆匆何用恨夢
隨夜雨到襄王

撥悶復之金陵舟中漫興

頻年寒盡旅爲家充耳童譏與俗諱如此飄零何所事堯
時嘗有掛星槎

與韓人穀

曾駒

正逢水旱卷殘衾共奏清商苦雪吟一夕深杯懷未已指
余沽酒到南潯

贈陳闇仙

驪

十年千里慰離思宿舸平沙載酒詩我本勞人懷極諫因
君長語意遲遲

三過揚州與鄒幼惠

三度揚州百事虛長河惟照髻毛疏數年與爾俱南北及
壯方深悔學書

紅花旅店題字滿壁皆主人索書者感賦

嶧桐詩集

卷之一

三

草具匆匆駐客車乞將題句等籠紗平津死後無賓館賴
爾殷勤天一涯

白鋪至訾家疇道中

周遭亦有山爲勢高下時逢石作橋除卻盤飧與婦女江
南風景一般饒

長途

男兒久客應來賤僕馬輕人亦作驕料得長途蘇季子不
須兄嫂始魂消

舜祠

寒風枯木道傍祠荒寥眞同舊土茨日落烏啼人下馬傳

在長安酒獨賒

少年行

賁酒平吞不解裝日西猶指到咸陽酒錢擲任當墟數自
看要閒舊大黃

出塞

一夜驚傳獵火紅騎駒結束盡彎弓連年漫醉椎牛響今
日沙場上首功

從軍行

籍隸輕車署促生常教遠出受降城可憐甌脫閒青草不
遣將軍立漢營

嶧桐詩集

卷之一

三

家園

槐枯竹老壁蝸黏出郭荒園好下簾落盡寒花蟲響歇入
亭蒼翠有峯尖

追昔遊口號

歲行盡矣風雨寡歡念廿年游好先後早凋雜感
紛來蹙口爲句不復成聲聊注里氏而已

李達乘風直上天猿啼斷續十餘年不留子女青山下婦

抱殘詩守墓田

李字行李余已刻其遺詩同里之友李
最先忖其內人率姬侍矢節食貧至今

慶曆文章更勿疑青峒方子是吾師鍾山講席今猶在大

雅何人復起衰

西安力孟旋先生甚愛余文
語唐宜之曰是又一滯貨也

楚澤歌成變雅南公安已往又鍾譚唐家白傳元才子不

把詩文付阿舅戊午余始見伯敬先生論詩

古文篆籀吳光裕豪氣崢嶸傳汝舟蓮社一宗迷九子楊

枝七幅散三秋吳字寬生青陽人開青蓮社于九華傳字遠度金陵人所居多種柳樹有七幅庵

卽今四海誦西銘門下黃麻似六經漢遺所忠求著作卻

非封禪侈云亭奉旨張溥書著進覽

濟南不守失張公就義蕭然闔室同最是鏡臺詩句滿

陣陣訴西風桐城張公秉文以東藩死難夫人方氏密之姑也早以詩文著濟陷率家人殉義焉

文傳海外識名流屬草長盈萬斛舟四十年來陳大士使

星滅沒近揚州陳際泰時文最擅名

嶧桐詩集 卷之十

萬子遲回捧鶴書廣陵風雅接黃初人生只合揚州死張

祐前因樂有餘萬茂先卒維揚鄭超宗爲編廣陵散

棋枰不見李生念醋瓮誰聞張一儒痛飲狂言皆絕響公

榮勅斷酒家胡子甥李士念好狂言張彥先金陵人居余園時痛飲曾又取醋盡之

未嘗謀面劉斯陞頗共談心周立勳魚斷章江悲破月鶴

飛澱浦散孤雲南州劉士雲雲間周勒鹵

嚴渡才名繼廢翁忽爲散吏玉樓中箭橋烟月西湖雨定

向聞家說異同丁丑秋武林間子將卒嚴印持先生卽繼逝乃子岸亦以今夏也

青青直節一孫陽孤憤騎箕日月旁聖世子今求舊德圍

人太僕倍淒涼青州孫太僕名三傑

佳句巴西一諦公傳衣如是即龕東齊山不復謝老方

外潺湲涕正同

蜀僧諦公楚僧是公 僧虛公

廣文望壯已通禪酒溺詩窮似鄭虔幸有石林庵際月左

崑史洞共千年

泰和曾世良司訓貴池愛遊齊山創蘭若曰石林

宣城詩畫擅梅家朗更英雄掩物華江左風流今已絕草

餘書帶匹瑯琊

梅朗中有書帶草以王李自任別未一月輒有凶聞

詹振丹青今逸矣李憲浮白忽飄然池州遂缺佳山水燕

市誰思共槩鉛

詹子先能作淺絳山水沒已十有二年日者李源常方上公車日夕觀會語次偶及

詹也一夕忽無疾而卒

夜讀書以三鼓壺為節

嶧桐詩集

卷之一

三

燭淚頻盈落劍梢霜飛平野濕新鏡寒雞啼亂驚深巷檄

草成編午夜鈔

王季豹

文南

公車

南還見過

天壤人推姓字高北征還復帶弓刀自言勿為尊中殢黃

鶴樓前盜似毛

十月桃花詩為陸孟文孝廉作

忽復霜天點絳霞小春也作武陵誇通津莫向漁人問君

去長安徧看花

徐元翥

珊瑚為筆玉為牀新詠徐陵最擅場縱是過江憔悴甚麗

辭猶作返魂香
天目山人田水月本朝徐氏總能詩若將八法論工拙惟
有家鷄浩足師

贈畫者

我有烟雲在意中吐來紙上不能工憑君斧劈披麻手幻
出莊生竅號風

紅衣垂釣秋江上綠葉芭蕉雪裏開韻事古今曾幾見風
流看爾畢宏才

宏

戴文進待詔
紅衫爲中貴所訾

宣廟畫秋江獨釣圖著大
老儒故有畢

去婦

嶧桐詩集

卷之十

三

長信長門又一時承恩應自有蛾眉遠吟卓女新人句近
續空峒去婦詞

陸楮郎

上帝清虛白玉堂雲璈縹紗只聞香如何肺石連螭柱伍
伯將爲陸楮郎

永巷

詔求永巷舊蛾眉萬轉崎嶇近御帷寸步天顏看不見含
羞掩淚去彤墀

辯才妙偈又生公吳楚飛行一葦中何處深山堪入定到

門有水不流東
漫說彌天釋道安
多聞妙麗已阿難
逢人乞食須平等
遇著摩登一樣看

漫成

火城滅處號元臣
十七年來五十八
風掃籜殘留幾輩
納銀腰鑽勸維新

穀城外吏蒙殊眷
靜海書生受特知
一死曾無國士報
揖猴舞馬是吾師

大好公安給諫書
雕蟲小技只浮譽
請看范李倪凌輩
畢竟曾無名下虛

嶧桐詩集

卷之一

詩

作賊當封萬戶侯
烟花占斷古揚州
可憐軍府開僧舍
明月丹心欲白頭

茅山雜詩

厚石長牆大字鐫
禁他雲鬢曳羅衫
黃冠語我徒爲爾
日重金釵扣法門

玉柱蓬壺浪得名
仙人小幻俗人驚
我來振袖穿林去
秋葉寒空響玉聲

方礎排楹比戶成
柵鷄刺豕亦時鳴
數拳巧石沈荒草
夜無人冷玉京

劍紋蝕澀將疑漢
璽色精瑩說自秦
我顧松風溪月好
三

君何事著埃塵

度阡越陌到乾元我友曾經此閉門誰復玉皇新廣殿內

家捲水瀉崑崙

周仲馭
讀書處

爲看顏碑入玉晨一猶跌立一橫陳風侵雨蝕年年損致

祝雙亭待後人

崇禧猶作下宮稱已見深紅萬樹蒸最喜平疇連洞府何

妨丹竈置溝塍

連雲石磴大茅峯陡絕縣崖望欲慵聞說年年春月裏弓

鞋繡襪遍扶筇

漫成

暉桐詩集

卷之十

三

蘇武原交李少卿何梁贈句並知名自從忍死頭椎髻辜

負滄瓊一友生

崇禎宮詞

天直吾皇達四聰早從興慶受分桐令孜王聖芟夷後桂

殿蘭房日正中

蛾眉巧笑溢三千選藝徵歌盡可憐不是恩輕及命薄清

心寡欲揭宮前

水晶簾照月微明鴛被迴身夢始驚門外稍聽牌子過鸞

輿警蹕已聞聲

昨朝暖閣詢邊計今日平臺議用人內宴排當遲不御相

傳引治事重新

御爐縹渺鼻香烟聖體虔恭再拜天欲卜金甌如往事願

拈良弼似商賢

講章進到聖情欣玉几旋攤披覽勤昨日經筵無逸畢回

宮猶閱尚書文

升天大祀曠多年聖主精禋格上玄始自致齋成禮返祥

雲直到掖庭纏

貞靜坤靈紫極俱兩宮貴姊亦規模聖王風化從宮闈不

覓平陽衛子夫

絳蠟宵分跋幾除至尊永夜覽文書每逢水旱兵戎事共

曝桐詩集

卷之十

三

觀龍顏慘不舒

宸極深嚴兼聽全刺奸密奏戒傳宣打來事件朝朝進短

紙牢封到御前

文書識字缺常員掌監循規也補遷睿聖命題親試取掄

才不使費金錢

大官玉食每從裁茶飯難循往例開近爲恆暘憂側席青

袍步禱外郊來

未容戚里鬪繁華請乞常裁望聖奢御帕黃封恩澤重時

時宣賜到田家

尙衣三泮敢言勞修省連朝又布袍怪得蘇杭頻減織冰

純阿錫念民膏

宵衣每動鼓鼙思重遣中車往視師勅約頻聞救水火轡
銜原不假恩私

御案琅函入覽多孝經小學日編摩代言稟擬仍塗改那
有閒情看舞羅

吾皇從不語襪祥忽詔因緣事闡揚因感掌珠天籟語依
希得見老孃孃

拜舞天顏喜氣融東朝冊立出中宮齊傳列祖希聞事千
載元良迥不同

小除夜西江友人吳石卿守歲余家

嶧桐詩集

卷之十

三

明日真成歲欲除挑燈惟憶暮春初西京長樂今何在莫
向天涯怨索居

除夕

十七年來事忽移崇禎曆號盡今時冬青有樹迷何處燒
紙長空望帝知

聞說金陵事事熙千官此夕好容儀闔門守盡思陵歲不
作明朝元旦詩

元日喜劉及叔還蜀見過

此日方稱建武年春陵佳氣與雲連忽逢萬里將歸客又
說黃巾滿蜀川

裂繡出峽幾經年建業清流虎阜烟擁傳祇今尊畫策也

知諭蜀有新篇

及叔以諸生出游吳越數年今奉旨贊畫軍門

安國春秋誰進講陳東支黨更相牽逢人莫說西湖好歸

去傷心聽杜鵑

旁人徒豔相如節歸客眞行張儉權我願開門延一宿恰

逢爛醉五辛筵

莫問成都桑與田燕山何處不堪憐若逢望帝魂相語惟

有劉琨願著鞭

萬里橋如在目前擲杯馬上氣衝烟把君雙袖殷勤說昨

日崇禎猶紀年

曝村詩集

卷之十

三

日雪三日雪與李廣文

聯

改元獻歲到今朝兩字崇禎去未遙雨雪似知人意憾斷

除投刺坐蕭蕭

宮牆老柏萬年枝衝雪干雲凍不知便與先生爲好友添

來鐵漢亦相宜

送雪上人遊天台

虎丘烟月浸衣裳又躡飛流渡石梁華頂峯頭堪四望須

哀蒿里入慈航

霞起高城未可量軍持滴水足資糧道間拾得嬰兒小更

與殷勤伴七娘

喜康三一薙髮爲僧

雨花臺上振春衣看盡登場欲息機劇曲易終人易散送
君緇蓋故山歸

曾過侯門曳短裾終年猶自食無魚可知瘦骨崢嶸甚酥
酪雖甘總罷除

烏尾茅田已罷謠脫身張儉手堪招西行解難英雄事持
向空王似雪消

誰說南朝一侍郎只今三士氣猶張黃公端伯泥圻者及
爾桑門鼎足狂

子真臯羽是吾師贏得華顛及鬢絲脫帽湧泉同梵唄全

嶧桐詩集

卷之十

三

留盡薙一般奇

康僧時居湧泉寺

題畫遺江生戲用江字

屋角微茫不見窗大山宮處石爲砭此中應有逃秦客豈
放桃花出楚江

烟林盡處是長江江外千峯與浪撞小構此中爲大隱務
光石戶始堪雙

金陵重怨曲

子鑾乙酉作金陵怨金陵後怨及引光宮詞皇輿
復幸南京歌蓋備具六月以前事余欲賡和度不
能更有加矣自秋冬迄今春事又多可紀者夫見

則感感則怨不可謂都人遂沒其懷也作金陵重
怨曲比于俳謠庶諧里耳鑾又有廣陵前後怨則
吾兩瓊花引當之矣

自是神臯舊帝區六官京兆號鹵都如何平暑江口口父
老悲聽說版圖

朝陽門外望鍾山神烈碑前下馬鞍今日乘騎馳寢殿紅
門不見有祠官

衛卒誰何護鬱蔥傳籤歲食太倉紅傷心弓劍憑風雨此
輩鳩形椎髻中

長干自昔薪如桂驚說朝炊減價多試問幾材何處得上
暉柯詩集 卷之十 早

陵芳樹盡枝柯

連日昏霾風起沙路人含淚不容鬢臧洪已死陳容繼不
是金家卽是麻

傳來秋浦吳郎首死就宣城麻子名暗有金陵人墮淚近
畿贏得兩書生

木末亭邊正學墓秦淮渡口侍中祠當時楚弓十族殉今
日秦帝三戶誰

又見蒼頭子密倚樅川公子網羅收家翁縣首奴求賞未
許真封不義侯

欣聞公相執爻前豐鎬應開日月天忽得五坡嶺上報恨

無時賞事同傳
火樹銀花正上元
忽傳告密匪書繁城中大索椎秦客城
外平瀟翟義門
三牌樓是田橫島五大營成雉露歌狂猥千秋同指罵王
奇兒外又周哥

豹死留皮人死名平陵
哀曲有遺聲此中蒿里誰堪羨
神策朝陽及太平

鷄鳴山下國學望
桃葉渡頭分泮宮
成賢垂柳依然綠
貢院迎人身掛紅

潘臬題銜謝帝畿
青黃馳蓋擁光輝
鳴騶最盛堪漁獵
司嶧桐詩集

隸威儀何日幾

卷之十

四

莫將曆代比興亾
高廟巍巍曆自長
不信過江剛一載
纔歌玉樹入隋場

侍御高君索書扇絹漫題

釜中煮雪自搗瓢
寒峽雲深虎不驕
慙說金華當殿客
肯

尋桐瀨問漁樵

雙柑咏何氏

煜

孝也已又有芝草之異故及之

園林鬱鬱果離離
共訝雙柑意外奇
此是王家冬月鯉不

關戴氏早春鷓

尋常斗酒家家熟
此日雙柑得得生
石蜜味從柴血漬金

衣色自彩衫成
笑人工爲子孫圖
千樹林林蓄木奴
試看蓉城平蒂種
偏從孺子泣中扶

篤孝君家有子平
食無鹽菜屋無楹
何如種得宜都果
秀草神芝繞砌生

螢火龍仙芝有名
朱英紫脫草難生
憑君至性通神理
雞骨床頭百瑞成

免瑞芝祥古有之
雙柑事後復如斯
因君好語人間子
又補南陔束皙詩

絕句

嶧州詩集

卷之一

聖

傳聞山左義人多
周蔡騰驤氣不磨
可憐甌越通侯力
一夜西風盡倒戈

巴中張魯又成灰
劔閣無人似朽摧
我自聽誅李勢後
一番舞劔一番哀

聞說潛師枕上過
五羊諸嶺失嗟峩
蒼皇抱恨諸龍種
不及秦時老尉陀

四海西江一萬揚
虔州塊土見綱常
卽看戲下陳偏將
猶自臧洪烈士腸

絕句

上書言事日紛紛
滿紙臯夔贊放勳
試閱繫衙臣某奏
元

時危素漢揚雲

銓除札委兩紛拏
價比鴻都數更奢
若祝使君休吮血
索逋難謝子錢家

藥名體儼艷詩

嘗記車前子細聲
爲防風露囑卿卿
犀角枕纏綿語笑
指天南星已傾
輕輕粉澤畧成妝
杏子衫裙拂地黃
閒步鬱金堂
下去倩人和葉摘丁香

額黃連暈頰生潮
手撚金櫻作意嬌
微醉玉蟾酥困甚
錦茵陳處帳垂綃

嶧桐詩集

卷之十

四

一簾香澤瀉深房
蘭桂心情烟霧妝
天姥秘圖藁本在
芙蓉開半夏微涼

金屋沈沈香篆微
紅兒茶罷整幃幃
掌中肌肉從容舞
坐見天花粉亂飛

雪乳香肌可奈何
肯容輕薄荷情多
吹燈也自輸郎腕
月黑牽牛也渡河

流蘇合處兩心知
香比都梁花桂枝
他日寄奴勤預囑
小紅豆裏號相思

夢回香裏帶微醒
挽臂雙吟續斷聲
誓到烏頭白後悔
莫當歸日便忘情

即事

舉家清夢日三竿老我殘書向曉看新汲無人茶竈冷且
酣清露倚闌干

口號

均田制賦令多方約正弓人色色忙正輟犁鉏書算訖新
來尺樣削增長

食鱒魚

是年鱒出甚晚峽川
少有魚至無言時矣

我自無錢難早致爾今晚出亦非時怪他老杜譚何易頓
頓黃魚戲作詩

僧房再看湧泉處

嶧桐詩集

卷之十

四

交柯隱見雪成皚我意真同天上來剡竹便成符調水人
間從此不容回

杖枒橫木是梅枝想見梅開水溜時六月猶同冰濯骨春
寒我欲一窺籬

和尚峯

雨中入定雪中參長立山巔不住庵此是老僧狡獪處合
將法語喝歸龕

古鐘仆地

蝸涎苔繡臥無聲似倦津梁懶已成我欲大撞來問法摩
挲至正尙存銘

夜坐

大星小星閃閃見水聲蟲聲歷歷聞與無叮咛是莊叟纔有差別非迎文

遊仙姑洞

不辭登頓衝炎熱欲拜仙姑水石中沙擁泥封迷去路難聞環珮響微風

山僧語我諸靈閣堂室溪流有幾曾十月拚他千句入記他詩字看余能僧云內多題句人熟記

章去謀再攜尊至小飲樹下

盤中米粒如金貴邨裏鷄豚似寶希怪爾但貪奇字問庵

嶸桐詩集

卷之十

望

前柏下又披衣

出俞邨

幾宵卮酒幾留題瓜跡經旬著在泥我與諸君皆記取一方故事足人稽

題贈楊園

三年峽裏籠中鳥幾日楊家海上仙修竹檀園清可倚明窗窈窕靜堪眠

園無梓澤繁華象架有東平點定書姓字幾年通夢久巾

車今日到門初

架上多余昔年選著諸書

滅沒烟雲倪瓚畫蕭條栽插橐駝材秋深已許分香橘冬

杪還須問臘梅

吳郡新筍水晶白楊家舊醅琥珀紅生平飲少如蕉葉此際歡多倒碧筒

幾弓園圃因山起一面軒窗逐水開客到烹鮮舉網得夜深把炬過牆來

子弟秀頤齊玉筍亭堂靜整在雲根上人爲樂真自足上客不飲更誰論

先生談經頤可解野客作字蕉也書若教肯復十日住鼠須方麴更無餘

避人翻成河朔飲逃暑遂入武陵源此來主客俱無欠不

嶧桐詩集

卷之十

吳

用松庵遠扣門

師姑橋

橘柚成圍見幾家小橋曲水足桑麻問人不解師姑義但指前行路有義

望自己山

只今須髮皆他物何處峯巒說自家從古河山俱不改笑他楚漢好紛拏

楓樹嶺上松

都無楓樹有孤松天矯蒼鱗勢若龍人指嶺頭猶舊號真甘冷落卻秦封

荒祠歇脚人來聚古樹挈雲龍正蟠記得齊山壇下路五
株奇處更驚魂

麒麟山

豐草從多穴狐兔小山何事號麒麟溪流叢薄峯堪眺悔
不來遊及早春

過隱子山

游行度此兩三回不負山名老不才欲隱深山更深處此
中猿鶴可能來

峽中人云自己山實寺基山而訛也要皆不可考

何年宮殿遂成灰不見排楹見繡苔蒼鼠松風消受後儘

巖桐詩集

卷之十

七

留疑義教人猜

三年三度三絕句

余寓峽三年重九皆苦雨也先是柯君輒以九日
前送白菊一本岑樓孤對離披雨中使我興慨今
年花發特遲至是月二十四日始貽我然增一紅
色者共盆而植

三年三度重陽雨兩度黃花入酒卮正憶傲霜好友缺那
知蓓藥在東籬

三年三度送黃花喜得幽人與也賒君與寒花同耐久晚
香不倦寓公家

三年三度菊如銀纔著深紅意欲新知試老禪風裏絮閒
情賦出姓陶人

舒生巢友貽我筆牀一竹製精好有感而賦
塗鴉終日受人忙研起層冰腕欲僵好作中書君九錫松
枝爲管竹爲牀

攻竹之工濮有名堅光瑩滑水磨成一從劔戟乘權後刺
爾匡牀臥管城

饒烈婦歌

友人李玉潤妾也北兵破揚州衣寸寸縫沉水死抱母屍不脫詳見本傳

淺藻深蘅葬斷香滄浪清焰嫁衣裳亦緣辛苦吾夫意不
是當年李十郎

嶧桐詩集

卷之十

吳

回首蓮花不染泥彩鴛已自共雙栖人閒只少冬青樹特
赴清流待品題

萬花飛謝萬流東菡萏孤存止水中多少驚湍推不去獨
依萱草共寒風

寒塘浸骨絕塵緇不負吾家字藥師記得宮闈亾國語更
無一箇是男兒

男蛾來顧山中三宿始去賦別

三首之一

霜高木落夜烏啼燭跋頻更月漸低多少離思說不盡長
嘆都指美人西

寄答蔡大美次來韻郵之者孟璿子乾齡也

舉世茫茫幾丈夫向南飛去一啼鴉敬亭山色知常在回

望長汀氣有無

長汀麻氏地名

霜寒風緊月微明一羽孤從浦水橫寄問蔡經常學道滄

桑閱處可更名

寄題鄭公雲影庵

僻塢蕭疏草樹深老因禪悅返東林一瓢米汁軍持伴門

外鐘聲帶濕侵

幾時著笠侍浮屠不飯腥羶分自癯未演法中三昧在曾

邀詩裏十僧無

鄭公常和十僧詩

聞黃老山姜之熊過峽川

嶧桐詩集

卷之十

四

紫游韁到竟逡巡偶作山潮策杖人炊黍吾家曾草具莫

疑野客鎖松筠

報諸游好

夏木濃陰正滌煩遠尋泉石幾家邨還溪散髮商生事欲

灌終無隙可園

除夕前五日汪生漢訪我山中信宿賦別

歲晏風乾起暮雲寒林鴟叫不堪聞何人策馬尋橋渡重

理淮南幕府勛

生言史公揚州事頗悉

漫成

昔賢辛丑稱爲艾丁亥今年我亦然正借峽溪名寓客人

間何處不斜川

晴光日日照殘冬
雨雪都無怨老農
占得旱蝗疑不中
口

口豈合說乾封

羅季先

尙甲 維旗 夢旗 男占 夢熊 見過峽川

荒邨猶簇五辛盤
有客崎嶇下馬鞍
石戶爲農俱幾載
相看

看真各喜平安

論文久罷刑牲社
命酒全疏飛羽觴
乍可相逢成一醉
嶺

雲隔處路茫茫

題山賓畫扇答姜汝亮

黃

穆如風屢到西山
知我薇芝意正閒
爲寄山根圖一幅
清

嶧桐詩集

卷之一

五

流白石此中頑

與吳空之

又見黃花發短籬
故人亦是傲霜枝
小妻弱息團圞日
應

有西田穫稻詩

贈朱氏隱者

靈壁人

丈人高蹈遁真蜚
解擲青衫賦采薇
草植忘憂堂愛日
耽

閒常自掩雙扉

揮手榮光理釣緝
一屢真號葛天民
遺經在抱猶難舍
日

共兒孫讀幾巡

德先舉子數月矣歌以贈之

春風初暖桂初芽繡閣英聲聽已嘉阿母專房方擅艷掌
中馨角又堪誇

王公儼以山中諸石名狀見示索題各贈一絕

石檻

參差數石作欄干倦倚行凭奈歲寒賴此鴻溝與世割更
誰闌入問平安

石門

幾處佳山石作門竹溪有路亦從捫升堂自此尋虞夏石
戶名農見耳孫

石笏

嶧桐詩集

卷之十

至

瑞韜蒲桓事邈然小山有笏草亭前堆牀欲滿成何用拄
看諸峯爽氣鮮

石壁

半壁於今勿復論千尋陡立在孤邨摩娑苔綠思題字除
卻嚴遵無可言

石池

聞君洗石卻成池一沼鄰鄰意外奇曾照須眉差不負臨
流好賦義熙詩

石泉

甘潔寒流滴瀝來石魂冰魄絕纖埃莫將一勺通漁棹纔

到人間不復廻
六千空盡
其外
未

石柱

中原大厦盡頽然
棟弱梁摧質不堅
賴爾峻嶒能獨立
真稱砥柱古堯天

拊擊虞廷未有期
怪頑靈醜總相宜
蹇余亦是硜硜者
不賦平泉醒酒詩

寄塞洪橋黃公忠節祠主僧

竹柏芙蓉近若何
一抔荒寥客誰過
月明梵靜更深後
應有羣鳥哭與歌

嶧祠詩集

卷之一

五

楚弓漢鼎在何年
留得芳魂寄野阡
君向此間明佛性
定將寒水薦香茶

恆公見訊法語答之

說法知教石點頭
洪鑪何鐵不兼收
曹溪瀾闢橋梁絕
今見褰裳濟亂流
未辭眷屬未髡頭
瘦極維摩佛也收
我病那能談不二
閒看漚沫在春流
年來萬事錯從頭
欲向桑榆一照收
有日登堂求法施
門前應見水西流

百丈登躋最上頭
大千空盡孰堪收
惟餘未斷兜羅手
欲

引入閒下流

六言絕

隱莊嶺

土名隱莊子山

應有幽人避地未容長者行車東柯西枝兩戒南鄰北舍

三義

大樓山

小隱我思盤谷大樓齊指名山一靜真當太古夾岸猶到

八閒

桃波

即太白詩桃波一片地處

青蓮去九百載桃波餘口口家昨歲新經戰馬今余飽聽

嶧桐詩集

卷之十

垂

啼鴉

洞口

洞容數十人樹穿石出土人不之奇也以李氏居其傍第稱洞口李而洞無稱名焉

樹長無根無土石奇將崩未崩林茂風翻坐地洞深雲濕

行滕

題山賓春山霽景圖扇

無舟且橫短笏有樹自結高籬虛室納雲當客空山吐霽

催詩

雜體

數詩

乙亥仲春作

一夕警報去蒼黃議學宮二騎遣覘視逡巡行步工三言

成市虎賊在近郊中四民胥挈室野竄紛相從五家連卒
黨故事今申重六門墜塞半上策先泥封七年病急艾聊
且畜芎藭八公盛草木兵但貴形容九天忽脫兔疇昔未
能通十全何所恃湯湯一水功

又數詩

舟次大
通河作

一舟如身輕意將散髮遊二月積陰重霪霖苦莫休三竿
無日影吹濕入寒稠四顧童僕默炊煙鬱不流五松彈丸
子賈客船頗稠六博呼飲酒琵琶或啾啾七尺困蓬下聽
之徒離憂八區多帶甲小邑亦修矛九華望中秀道阻嗟
末繇十年能練賦一朝今始愁

嶧桐詩集

卷之十

番

十二辰體歌

乙亥暮
春作

建牙之臣溯流至蒼黃下教除戎器滿城謫發盡良家平
明驅上睥睨置排點丁男定屬誰掾史五百執筆爲但破
金錢買主進可無乘障受艱危象人土鼓成何事竹馬收
歸罷兒戲況復中丞彩鷁開散衙閉戶高歌醉

十二屬體歌

見所募
勇士作

碩鼠碩鼠我住此賣牛買劍從今始市中杖劍虎生風拏
攫追呼如兔起短後爛斑壯士龍巴蛇吞物氣能雄聯翩
走馬垂楊下刲羊飲酒樂千鐘君休笑我冠沐猴我昔鬪
鷄博塞遊投骨相牙狗暫爾賊到騎豬走莫愁

種樹漫成三韵

畏人思老計偃臥在花陰屋後營梅李牆東植桂林草堂
如得搆消我壯夫心

俗人何用答花下早相矜鄰棗恆供啖哀梨果欲蒸蠹蟲
須便摘慎勿斬枯藤

野老偕花吏誰於我獨親灌園宜食力種樹學治人相助
成陰好暄風氣已新

吳石卿寓茂先巨源書至

又及芳春後西江落鯉魚褚歐新搦字晁鄭舊藏書道故
傾盃酒鶯聲樂有餘

嶧桐詩集

卷之十

五

漢絳 漢仕

廷盜 漢關 漢傑

廷鑿 孫漢系 漢俊謹輯

廷整 漢胄 漢佐

廷廡 漢儀 漢位

...

...

嶧桐詩集卷之十終

